

SAVEZ KONJIČKIH ORGANIZACIJA FEDERACIJE BOSNE I HERCEGOVINE



STATUT

SADRŽAJ:

I – OPŠTI DIO.....	5
Član 1. – OPŠTE ODREDBE.....	5
Član 2. – CILJ STATUTA.....	5
II - NAZIV, SJEDIŠTE, DJELOKRUG RADA SAVEZA.....	5
Član 3. – NAZIV SAVEZA.....	5
Član 4. – SJEDIŠTE SAVEZA.....	6
Član 5. – DJELOKRUG RADA SAVEZA.....	6
Član 6. – PROMJENA NAZIVA I SJEDIŠTA SAVEZA.....	6
III - PRAVNI STATUS I PEČAT SAVEZA.....	6
Član 7. – PEČAT SAVEZA.....	6
Član 8. – UPOTREBA PEČATA SAVEZA.....	6
Član 9. – AMBLEM SAVEZA.....	6
IV - CILJEVI, ZADACI I DJELATNOST SAVEZA.....	6
Član 10. – CILJEVI SAVEZA.....	6
Član 11. – FINANSIRANJE SAVEZA.....	8
V - ČLANSTVO U SAVEZU.....	8
Član 12. – ČLANOVI SA PRAVOM GLASA.....	8
Član 13. – OSTALI ČLANOVI SAVEZA.....	9
Član 14. – USLOVI ZA REDOVNO ČLANSTVO.....	9
Član 15. – ODLUKA O PRIJEMU NOVOG KONJIČKOG KLUBA.....	10
Član 16. – OBAVEZA REDOVNOG ČLANA.....	10
Član 17. – PRESTANAK ČLANSTVA U SAVEZU.....	10
Član 18. – ISKLJUČENJE IZ SAVEZA.....	10
Član 19. – OBAVEZE PRI ISTUPANJU ILI ISKLJUČENJU IZ SAVEZA.....	10
Član 20. – PRESTANAK SVOJSTVA PRAVNOG LICA ČLANA SAVEZA.....	11
Član 21. – PRAVILNIK O UČLANJENJU KLUBOVA.....	11
VI - PRAVA, DUŽNOSTI I ODGOVORNOSTI ČLANOVA SAVEZA.....	11
Član 22. – PRAVA ČLANOVA SAVEZA.....	11
Član 23. – DUŽNOSTI ČLANOVA SAVEZA.....	11
Član 24. – ODGOVORNOST ČLANOVA SAVEZA.....	11
VII - ORGANI SAVEZA.....	12
Član 25. – ORGANI SAVEZA.....	12
Član 26. – SKUPŠTINA SAVEZA.....	12
Član 27. – NADLEŽNOST SKUPŠTINE SAVEZA.....	12
Član 28. – SJEDNICE SKUPŠTINE.....	12
Član 29. – ODLUČIVANJE NA SJEDNICAMA SKUPŠTINE.....	13
Član 30. – PREDSJEDNIK SKUPŠTINE.....	13
Član 31. – GENERALNI SEKRETAR.....	13
Član 32. – POSLOVNIK O RADU SKUPŠTINE.....	13
Član 33. – UPRAVNI ODBOR SAVEZA.....	13
Član 34. – SASTAJANJE I ODLUČIVANJE UPRAVNOG ODBORA.....	13
Član 35. – DUŽNOSTI UPRAVNOG ODBORA SAVEZA.....	13
Član 36. – SMJENA ČLANOVA UPRAVNOG ODBORA.....	14
Član 37. – PREDSJEDNIK UPRAVNOG ODBORA.....	14

Član 38. – POSLOVNIK O RADU UPRAVNOG ODBORA.....	14
Član 39. – GENERALNI SEKRETAR/TAJNIK SAVEZA	14
Član 40. – DUŽNOSTI GENERALNOG SEKRETARA	14
Član 41. – NADZORNI ODBOR.....	15
Član 42. – SASTAJANJE NADZORNOG ODBORA	15
Član 43. – DUŽNOSTI NADZORNOG ODBORA	15
Član 44. – KOMISIJE I RADNA TIJELA	15
Član 45. – DUŽNOSTI KOMISIJE I RADNIH TIJELA	15
Član 46. – DICIPLINSKA KOMISIJA.....	16
Član 47. – SUDIJSKA KOMISIJA.....	16
Član 48. – ODBORI ZA SPORTSKE DISCIPLINE	16
VIII IMOVINA SAVEZA – KORIŠTENJE I RASPOLAGANJE SREDSTVIMA SAVEZA	16
Član 49. – IMOVINA SAVEZA.....	16
Član 50. – POTENCIJALNI PRIHODI.....	16
Član 51. – KORIŠTENJE IMOVINE	16
Član 52. – FINANSIJSKI IZVJEŠTAJ	17
Član 53. – PODNOŠENJE IZVJEŠTAJA	17
Član 54. – KONTROLA FINANSIJSKOG POSLOVANJA	17
Član 55. – OVLAŠTENA LICA ZA POTPISIVANJE AKATA.....	17
Član 56. – UVID U POSLOVNE KNJIGE	17
Član 57. – DODATNI AKTI	17
IX - JAVNOST RADA.....	17
Član 58. – JAVNOST RADA SAVEZA	17
Član 59. – SREDSTVA INFORMISANJA JAVNOSTI	17
Član 60. – INFORMISANJE ČLANOVA SAVEZA	18
Član 61. – POSLOVNA TAJNA	18
X – STATUT I DRUGI OPŠTI AKTI SAVEZA	18
Član 62. – INICIJATIVA ZA IZMJENU I DOPUNU STATUTA.....	18
Član 63. – PRIJEDLOG ZA IZMJENE I DOPUNE STATUTA	18
Član 64. – USVAJANJE IZMJENA I DOPUNA STATUTA	18
XI – OPŠTI/OPĆI AKTI SAVEZA	18
Član 65. – DRUGI OPŠTI AKTI SAVEZA.....	18
Član 66. – ODLUKE.....	19
Član 67. – PRAVILNIK	19
Član 68. – POSLOVNIK	19
Član 69. – ARHIVA SAVEZA.....	19
XII – ZASTUPANJE SAVEZA	19
Član 70. – ZASTUPANJE SAVEZA	19
Član 71. – DODATNA LICA ZA ZASTUPANJE SAVEZA.....	19
Član 72. – PUNOMOĆ.....	19
XIII – STATUSNE PROMJENE.....	19
Član 73. – UDRUŽIVANJE, PRIPAJANJE I TRANSFORMACIJA SAVEZA.....	19
Član 74. – ODLUKA O UDRUŽIVANJU, PRIPAJANJU ILI TRANSFORMACIJI SAVEZA	20
Član 75. – PRAVOSNAŽNOST ODLUKE.....	20
Član 76. – PRESTANAK RADA SAVEZA	20
Član 77. – ODLUKA O PRESTANKU RADA SAVEZA	20

Član 78. – LIKVIDACIJA.....	20
Član 79. – POSTUPAK LIKVIDACIJE.....	20
XIV – PRELAZNE I ZAVRŠNE ODREDBE.....	20
Član 80. – PRELAZNE ODREDBE.....	20
Član 81. – ZAVRŠNE ODREDBE	21

Na osnovu odredbi člana 11., 12., 13., 14., 15. i 55. Zakona o udruženjima i fondacijama Federacije Bosne i Hercegovine („Službene novine Federacije BiH“, broj 45/02), a u vezi sa Članom 27. i Članom 35. Statuta Saveza konjičkih organizacija Federacije Bosne i Hercegovine, Skupština Saveza, a na prijedlog Upravnog odbora Saveza, na sjednici održanoj dana 16.12.2018. godine, donijela je odluku kojom se stavlja van snage Statut Saveza konjičkih organizacija Federacije Bosne i Hercegovine od 21.10.2016. godine i istovremeno donijela sljedeći

STATUT

SAVEZA KONJIČKIH ORGANIZACIJA FEDERACIJE BOSNE I HERCEGOVINE

I – OPŠTI DIO

Član 1. – OPŠTE ODREDBE

1.1. Savez konjičkih organizacija Federacije Bosne i Hercegovine (u daljem tekstu: „Savez“) je entitetski sportski savez osnovan Odlukom o osnivanju Saveza broj 01/09, koja je donesena na Osnivačkoj skupštini Saveza održanoj u Sarajevu dana 14.09.2009. godine, a u skladu sa Zakonom o udruženjima i fondacijama Federacije Bosne i Hercegovine i Zakonom o sportu u Bosni i Hercegovini.

Član 2. – CILJ STATUTA

2.1. Ovim Statutom se utvrđuje:

- Naziv, sjedište Saveza i djelokrug rada,
- Pravni status, pečat Saveza,
- Amblem – zaštitni znak Saveza,
- Način djelovanja Saveza,
- Programski ciljevi, zadaci i djelatnost Saveza,
- Članstvo u Savezu, prava, dužnosti i odgovornosti članova Saveza,
- Organi upravljanja, zastupanja i predstavljanja Saveza,
- Imovina Saveza, sticanje, raspolaganje i finansiranje djelatnosti Saveza,
- Način donošenja finansijskih izvještaja i izvještaja o radu,
- Uslove i postupak za pripajanje, razdvajanje, transformaciju ili prestanak rada Saveza,
- Informisanje i javnost rada Saveza,
- Statusne promjene, trajanje i prestanak Saveza,
- Druga pitanja od značaja za organizovanje rada Saveza.

II - NAZIV, SJEDIŠTE, DJELOKRUG RADA SAVEZA

Član 3. – NAZIV SAVEZA

3.1. Naziv Saveza, koje ima status pravnog lica, glasi:

3.2. Savez konjičkih organizacija Federacije Bosne i Hercegovine

3.3. Skraćeni naziv Saveza glasi: **SKOFBIH**

Član 4. – SJEDIŠTE SAVEZA

4.1. Sjedište Saveza je u Sarajevu

4.2. Posebnom odlukom Skupštine donosi se odluka o sjedištu Saveza

Član 5. – DJELOKRUG RADA SAVEZA

5.1. Savez djeluje na području Federacije Bosne i Hercegovine.

Član 6. – PROMJENA NAZIVA I SJEDIŠTA SAVEZA

6.1. Savez može promijeniti naziv i sjedište Saveza, a o čemu odlučuje Skupština Saveza, u skladu sa Zakonom.

III - PRAVNI STATUS I PEČAT SAVEZA**Član 7. – PEČAT SAVEZA**

7.1. Savez ima svoj pečat.

7.2. Pečat Saveza je okruglog oblika, promjera 30 mm, na obodu se nalazi 10 zvijezda i ispod ispisan tekst „SAVEZ KONJIČKIH ORGANIZACIJA FEDERACIJE BOSNE I HERCEGOVINE“, a u sredini se nalaze konture konjske glave sa uzdama, a ispod se nalazi grb sa ljiljanom i grb sa šahovnicom.

Član 8. – UPOTREBA PEČATA SAVEZA

8.1. O upotrebi i rukovanju pečatom Saveza odlučuje ovlaštena osoba.

Član 9. – AMBLEM SAVEZA

9.1. Savez može imati svoj amblem, odnosno zaštitni znak.

9.2. Amblem je okruglog oblika, na obodu se nalazi 10 zvijezda i ispod ispisan tekst „SAVEZ KONJIČKIH ORGANIZACIJA FEDERACIJE BOSNE I HERCEGOVINE“, a u sredini se nalaze konture konjske glave sa uzdama, a ispod se nalazi grb sa ljiljanom i grb sa šahovnicom.

9.3. Skupština Saveza je ovlaštena za usvajanje amblema, odnosno zaštitnog znaka Saveza.

IV - CILJEVI, ZADACI I DJELATNOST SAVEZA**Član 10. – CILJEVI SAVEZA**

10.1. Savez podstiče i koordinira aktivnost svojih članova na ostvarivanju zajedničkih ciljeva i zadataka, u skladu sa Zakonom o udruženjima i fondacijama Federacije Bosne i Hercegovine i drugim zakonskim propisima, a na bazi programskih ciljeva radi kojih je Savez i osnovan.

10.2. Ciljevi, zadaci i djelatnost Saveza su:

10.2.1. Utvrđivanje i provođenje opće politike razvoja, unapređenja i popularizacije konjičkog sporta u FBiH, djelujući kroz sportske i stručne odbore za provođenje takmičenja/natjecanja, i to:

10.2.1.2. FEDERALNI SPORTSKI ODBORI

- odbor za preponsko jahanje,
- odbor za dresurno jahanje,
- odbor za daljinsko jahanje - endurans,
- odbor za eventing – trodnevni ispit izdržljivosti,
- odbor za voltežovanje,
- odbor za reining – vestern jahanje,
- odbor za vožnju zaprega,
- odbor za para-olimpijske konjičke discipline.

10.2.1.3. FEDERALNI STRUČNI ODBORI

- odbor konjičkih sudija,
- odbor trenera i instruktora,
- odbor za postavljачe parkura i staza,
- odbor za veterinarstvo,
- odbor za hipoterapiju i terapijsko jahanje.

10.2.1.4. Po potrebi može formirati i druge stručne odbore, radna tijela i komisije.

10.2.2. Saradnja u organizovanju priprema i nastupa najuspješnijih takmičara sa područja FBiH, koju organizuje i stručno pomaže, te djeluje u pravcu optimalizacije uslova rada i sportskog pripremanja članova reprezentacije i istaknutih pojedinaca – takmičara/natjecatelja.

10.2.3. Organizovanje takmičenja/natjecanja, Prvenstava, Šampionata i „Kup takmičenja“, usklađivanje istih sa pravilnicima Saveza, te propisivanje načina organizovanja, suđenja i bodovanja istih.

10.2.4. Usklađivanje termina konjičkih takmičenja/natjecanja i donošenje godišnjeg kalendara.

10.2.5. U suradnji sa Ministarstvom poljoprivrede i drugim nadležnim institucijama aktivno sudjeluje u unapređenju konjogojstva-konjarstva.

10.2.6. Zalagaće se zajedno sa resornim ministarstvima organiziranje stručne pomoći, rad na iniciranju privrednih djelatnosti vezanih za konjički sport, posebno iz oblasti turističke rekreacije, stručnih škola jahanja, terapijskog jahanja, vožnje zaprega, kao i drugih nadležnih disciplina.

10.2.7. Poduzimanje i svih drugih aktivnosti za postizanje:

- vrhunskih sportskih rezultata,
- omasovljenja i kvalitetnog unapređenja konjičkog sporta,
- razvoja stvaralačkih sposobnosti sportaša,
- humaniziranja međuljudskih odnosa i obogaćenja sadržaja slobodnog vremena,
- okupljanje što većeg broja građana, osobito omladine oko konjičkog sporta,
- poduzima radnje i mjere radi rješavanja i dogradnje statusnih pitanja vrhunskih sportaša.

10.2.8. Formiranje stručnog kolegija trenera i potvrđivanje stručne osposobljenosti, te stepena iste.

10.2.9. Organiziranje konjičkih manifestacija u svim disciplinama.

10.2.10. Sudjelovanje u pripremanju i donošenju godišnjih i višegodišnjih planova i programa razvoja konjičkog sporta u Federaciji BiH.

10.2.11. Objedinjavanje i koordiniranje rada udruženih organizacija.

10.2.12. Saradnja sa državnim sportskim organizacijama.

10.2.13. Vođenje evidencije:

- članova Saveza

- licenci za jahače, takmičare, vozače zaprega, ovlaštene veterinare i druge sudionike u sportu u svim disciplinama

- o postignutim rezultatima na takmičenjima

- o broju sportskih grla na području Federacije BiH, i posredovanje kod izdavanja uvjerenja o porijeklu sportskih grla i vođenja porijeklopisne – matične knjige pasmina na području FBiH.

10.2.14. U suradnji sa SKOBIH sudjeluje u borbi protiv dopinga, korištenja nedozvoljenih supstanci i zabranjenih postupaka u konjičkom sportu, kako kod jahača, tako i konja, a u skladu sa svjetskim kodeksom protiv dopinga.

10.2.15. Dodjeljuje priznanja, pohvale i nagrade u konjičkom sportu.

10.2.16. Vršiti ostale poslove utvrđene ovim Statutom, općim aktima i Odlukama Skupštine.

10.2.17. Učestvuje u selekciji sportskih konja, konja za razonodu, učestvuje u internacionalnoj promociji sportskih konja sa teritorije Saveza, kao i posredovanje u interakciji ministarstava povezanih sa jahačim sportom.

10.2.18. Osigurati svoje prisustvo na Federalnom, Kantonalnom i Općinskom nivou decentralizacijom pojedinih aktivnosti.

10.2.19. Učestvuje u formiranju teorijskih i praktičnih modela nastave neophodnih za izobrazbu kadra bitnog za konjički sport, po potrebi u koordinaciji sa nadležnim ministarstvom.

10.2.20. Formiranje i organizacija seminara sa ciljem izobrazbe i usavršavanja jahača, sudija i komesara, kao i izdvajanje certifikata za uspješno pohađanje istih.

10.2.21. Kreiranje i kontrola primjene pravila sportskog i rekreativnog jahanja.

10.2.22. Organizacija svih sportskih manifestacija u nadležnosti SKOFBiH.

10.2.23. Organiziranje sjednica, konferencija, predavanja i radionica sa ciljem unapređenja konjičkog sporta u FBiH.

10.2.24. Organizacija akcija promocije jahanja, kao i štampanje i publikacija materijala.

10.2.25. Lobiranje kod relevantnih federalnih subjekata u cilju promocije jahačkog sporta.

Član 11. – FINANSIRANJE SAVEZA

11.1. Savez je nestranačko, nevladino, neprofitno tijelo koje se finansira članarinama, dobrovoljnim prilozima i poklonima fizičkih i pravnih lica, sredstvima dodjeljenim iz budžeta, prihodima od kamata, dividendi, dobiti od kapitala, zakupnina, honorara i sličnih izvora pasivnih prihoda, prihodima stečenim obavljanjem privredne djelatnosti, te drugim prihodima stečenim u skladu sa Zakonom i Statutom.

V - ČLANSTVO U SAVEZU

Član 12. – ČLANOVI SA PRAVOM GLASA

12.1. Članstvo u Savezu je dobrovoljno.

12.2. Svojstvo člana Saveza može steći svako sportsko-pravno lice koje se bavi konjičkim sportom ili uzgojem konja.

12.3. Članovi sa pravom glasa na Skupštini su:

- a) redovni članovi

12.4. Redovni članovi Saveza mogu postati sva pravna lica koja su registrovana kod nadležnog organa u Bosni i Hercegovini za obavljanje djelatnosti vezane za konjički sport.

12.5. Konjički klubovi učlanjeni u Savez koji praktikuju konjički sport u nekoj ili svim ranije navedenim disciplinama, pod uslovom da:

- postupaju u skladu sa Zakonom o sportu

- praktikuju jednu ili više disciplina unutar kluba u skladu sa Statutom Saveza

12.6. Predstavnici redovnih članova u Savezu su predsjednici klubova ili punomoćnici.

12.7. Redovan član se postaje na način definisan Statutom (prihvatanje aplikacije za članstvo od strane Upravnog odbora Saveza)

12.8. Učlanjenje u Savez povlači za sobom obligatorno poštivanje pravila i propisa regulisanih Statutom Saveza.

12.9. Članstvo prestaje gubljenjem statusa pravnog lica, na vlastiti zahtjev ili isključenjem.

Član 13. – OSTALI ČLANOVI SAVEZA

13.1. Članovi također mogu biti:

a) potpomažući članovi

b) počasni članovi

13.2. Potpomažući i počasni članovi nemaju pravo glasa na Skupštini.

13.2.1. Potpomažući članovi su pravna lica komercijalne prirode, fizička lica, poljoprivredna dobra koja se bave konjarstvom ili jahanjem.

13.2.2. Pristupanjem ovih subjekata Savezu u svojstvu potpomažućih članova je uslovljeno poštivanjem odredbi Saveza koje se tiču držanja i uzgoja konja.

13.2.3. Legalni predstavnik pravnih lica koja postanu potpomažući članovi se smatra predstavnikom u Savezu.

13.2.4. Potpomažući član se postaje na način definisan Statutom (prihvatanje aplikacije za članstvo od strane Upravnog odbora Saveza).

13.2.5. Potpomažućim članom može postati pravna osoba ili pojedinac koji ozbiljnijom novčanom, odnosno materijalnom pomoći, javnim zauzimanjem ili na drugi način pomaže razvoj i napredak konjičkog sporta, te ostvarivanje ciljeva i zadataka Saveza.

13.3. Počasnim članom može postati pojedinac koji je svojim djelovanjem doprinio razvoju i napretku konjičkog sporta ili osobito zapaženo učestvovao u ostvarivanju ciljeva i zadataka Saveza, te njegovoj međunarodnoj afirmaciji ili koji ozbiljnijom novčanom, odnosno materijalnom pomoći, javnim zauzimanjem ili na drugi način pomaže razvoj i napredak konjičkog sporta, te ostvarivanje ciljeva i zadataka Saveza.

13.3.1. Odluku o dodjeli statusa počasnog člana donosi Skupština na prijedlog Upravnog odbora Saveza prema utvrđenim kriterijima.

13.3.2. Počasni članovi Saveza imaju savjetodavna prava i odgovornosti.

Član 14. – USLOVI ZA REDOVNO ČLANSTVO

14.1. Potencijalni članovi Saveza stiču svojstvo *redovnog člana* na osnovu:

a) dostavljanja pismenog zahtjeva za prijem u članstvo

b) davanje izjave o prihvatanju ciljeva i Statuta Saveza, kao i poštovanje pravilnika Saveza, poštovanje odluka organa Saveza donijetih na osnovu Statuta i pravilnika Saveza

- c) dostavljanje jednog primjerka ovjerene fotokopije Rješenja o registraciji koje je izdalo nadležno Ministarstvo
- d) dostavljanje jednog primjerka Statuta kluba
- e) dostavljanje popisa aktivnosti, te popisa jahača, trenera i konja
- f) dostavljanje potvrde o plaćenju članarini

Član 15. – ODLUKA O PRIJEMU NOVOG KONJIČKOG KLUBA

15.1. Odluku o prijemu novog konjičkog kluba u redovno članstvo u Savezu donosi Upravni odbor.

15.2. Odluku o prijemu u potpomažuće i počasno članstvo u Savezu donosi Skupština Saveza.

Član 16. – OBAVEZA REDOVNOG ČLANA

16.1. Svaki redovni član ima obavezu da bude organizator minimalno jedne zvanične konjičke sportske manifestacije, radionice edukativnog karaktera ili takmičenja ili učestvuje minimalno na tri takmičenja.

16.2. Ukoliko neki član Saveza ne može ispuniti obavezu, obratit će se pismenim putem Upravnom odboru sa obrazloženjem i zahtjevom da se oslobodi ove obaveze.

16.3. Upravni odbor će eventualno udovoljiti ovom zahtjevu, s tim što će jednom članu udovoljiti maksimalno jednom u periodu od tri godine.

16.4. Ukoliko redovni član Saveza ne ispuni gore navedene uvjete, ukida mu se pravo glasa na idućoj Skupštini.

16.5. Ovom članu ne podliježu klubovi/udruženja čija je osnovna djelatnost terapijsko jahanje.

Član 17. – PRESTANAK ČLANSTVA U SAVEZU

17.1. Članstvo u Savezu prestaje:

- dobrovoljnim istupanjem člana
- isključenjem člana
- višom silom

Član 18. – ISKLJUČENJE IZ SAVEZA

18.1. Član koji prekrši Statut Saveza, Pravilnike Saveza, odluke organa Saveza koje su donijete na osnovu Statuta i Pravilnika Saveza, ili koji ne izvrši svoje obaveze prema Savezu, ili svojim postupcima nanosi štetu Savezu ili narušava ugled Saveza, može biti isključen iz Saveza.

18.2. Prije donošenja odluke o isključenju, član Saveza mora biti obaviješten o prijedlogu za isključenje, kao i razlozima zbog kojih se predlaže isključenje. Članu Saveza se mora ostaviti razuman rok za izjašnjavanje o pokrenutom postupku isključenja.

18.3. Odluku o isključenju donosi Upravni odbor, a potvrđuje Skupština.

18.4. Protiv odluke Upravnog odbora, u roku od 30 dana, može se izjaviti prigovor Skupštini Saveza čija odluka je konačna.

Član 19. – OBAVEZE PRI ISTUPANJU ILI ISKLJUČENJU IZ SAVEZA

19.1. Član Saveza koji istupi ili koji je isključen iz Saveza dužan je prethodno izvršiti sve obaveze koje ima prema Savezu.

Član 20. – PRESTANAK SVOJSTVA PRAVNOG LICA ČLANA SAVEZA

20.1. Članstvo u Savezu prestaje članu ako član izgubi svojstvo pravnog lica. Danom upisa prestanka svojstva pravnog lica u registar kod nadležnog organa, prestaje i članstvo u Savezu.

Član 21. – PRAVILNIK O UČLANJENJU KLUBOVA

21.1. Pravilnik o učlanjenju klubova u SKOFBiH bliže uređuje način i postupak stupanja u članstvo i prestanak članstva.

VI - PRAVA, DUŽNOSTI I ODGOVORNOSTI ČLANOVA SAVEZA**Član 22. – PRAVA ČLANOVA SAVEZA**

22.1. Prava članova Saveza su:

1. Da biraju organe Saveza i da u njih budu birani,
2. Da daju prijedloge, mišljenja i sugestije,
3. Da prate rad Saveza i pokreću inicijative za rješavanje pitanja od interesa za Savez,
4. Da budu redovno informisani o radu i rezultatima rada,
5. Da u zaštiti svojih prava koriste pomoć Saveza,
6. Da ostvaruju druga prava utvrđena Statutom i općim aktima Saveza.

Član 23. – DUŽNOSTI ČLANOVA SAVEZA

23.1. Dužnosti članova Saveza su:

1. Da aktivno učestvuju u ostvarivanju ciljeva, zadataka i djelatnosti Saveza,
2. Da savjesno i odgovorno izvršavaju povjerene poslove i zadatke u vezi sa radom i aktivnostima Saveza,
3. Da sarađuju sa ostalim članovima/članicama Saveza,
4. Da čuvaju i podižu ugled Saveza,
5. Da propagiraju djelatnost Saveza, a posebno značaj programskih ciljeva Saveza,
6. Da redovno izvršavaju preuzete obaveze prema Savezu,
7. Da uredno i na vrijeme izmiruju članarinu,
8. Da obavljaju druge dužnosti utvrđene Statutom i općim aktima Saveza.

Član 24. – ODGOVORNOST ČLANOVA SAVEZA

24.1. Oblici odgovornosti članova Saveza su:

1. Javna kritika za neizvršavanje dužnosti kojima nije narušen ugled Saveza ili nije nastala znatna materijalna šteta,
2. Opomena pred isključenje za višekratno neizvršavanje dužnosti i obaveza,
3. Isključenje iz Saveza u slučaju da član teže povrijedi odredbe Statuta ili ugrozi ugled Saveza, odnosno nanese veću materijalnu štetu.

VII - ORGANI SAVEZA

Član 25. – ORGANI SAVEZA

25.1. Organi Saveza su:

- SKUPŠTINA
- UPRAVNI ODBOR
- NADZORNI ODBOR
- DISCIPLINSKA KOMISIJA
- KOMISIJE I RADNA TIJELA

Član 26. – SKUPŠTINA SAVEZA

26.1. Skupština Saveza je najveći organ Saveza, koju čine predstavnici udruženih sportskih pravnih lica – redovni članovi, od kojih svaki delegira po tri (3) predstavnika – delegata.

26.2. U radu Skupštine mogu sudjelovati i predstavnici počasnih i potpomažućih članova, ali bez prava odlučivanja i glasanja.

Član 27. – NADLEŽNOST SKUPŠTINE SAVEZA

27.1. Skupština Saveza nadležna je za:

- donošenje Statuta, izmjenu i dopunu Statuta i drugih akata određenih Statutom,
- donošenje Poslovnika o radu Skupštine,
- odlučivanje o pripajanju, razdvajanju, transformaciji, raspuštanju i prestanku rada kao i drugim statusnim promjenama Saveza,
- izbor i razrješenje članova Upravnog odbora i drugih organa Saveza,
- razmatranje i usvajanje izvještaja koje podnosi Upravni odbor,
- utvrđivanje politike i programske orijentacije Saveza u svim pitanjima svog djelovanja,
- utvrđivanje osnovnih načela o sistemu takmičenja, te približavanje sistemu takmičenja na nivou FEI za svaku disciplinu konjičkog sporta,
- donošenje budžeta i usvajanje finansijskog izvještaja Saveza,
- donošenje općih akata i odluka,
- na prijedlog Upravnog odbora donošenje odluke o visini članarine,
- odlučivanje o ostalim pitanjima koja nisu stavljena u nadležnost drugih organa Saveza,
- delegiranje lica koja će obavljati poslove u SKOBİH

Član 28. – SJEDNICE SKUPŠTINE

28.1. Redovna Skupština Saveza sastaje se po potrebi, a najmanje jednom godišnje. Izborna Skupština je svake četiri (4) godine.

28.2. Skupštinu saziva Predsjednik Skupštine najmanje 15 dana prije njenog zasjedanja.

28.3. Predsjednik je dužan sazvati Skupštinu u slučaju kada to zahtjeva najmanje jedna trećina članova Skupštine ili kada to zatraži Upravni ili Nadzorni odbor.

28.4. Ako Predsjednik Skupštine ne sazove Skupštinu u roku od 30 dana, odluku o sazivanju Skupštine donosi Upravni odbor.

Član 29. – ODLUČIVANJE NA SJEDNICAMA SKUPŠTINE

29.1. Skupština Saveza ima kvorum za rad ako Skupštini prisustvuje 2/3 od ukupnog broja članova. Skupština Saveza odlučuje sa natpolovičnom većinom prisutnih članova, osim u slučaju odluka vezanih za izmjene i dopune Statuta.

Član 30. – PREDsjedNIK SKUPŠTINE

30.1. Skupština bira Upravni odbor i predsjednika Skupštine.

30.2. Predsjednik Skupštine saziva sjednice Skupštine, predsjedava sjednicama i stara se o sprovođenju odluka koje donosi Skupština.

30.3. U slučaju spriječenosti ili odsustva predsjednika Skupštine, zamjenjuje ga lice koje predsjednik Skupštine ovlasti.

Član 31. – GENERALNI SEKRETAR

31.1. Skupština bira i generalnog sekretara/tajnika koji je ujedno i član Upravnog odbora Saveza.

Član 32. – POSLOVNIK O RADU SKUPŠTINE

Bliže odredbe o načinu rada Skupštine, glasanju, upućivanju poziva za sjednice, vođenju zapisnika i drugim pitanjima značajnim za rad Skupštine uređuju se Poslovníkom o radu Skupštine.

Član 33. – UPRAVNI ODBOR SAVEZA

33.1. Upravni odbor Saveza je izvršni organ Saveza kojeg bira i opoziva Skupština Saveza i koji čini 7 članova, uzimajući u obzir nacionalnu i spolnu zastupljenost članova

33.2. Upravni odbor se sastoji od:

- predsjednika Upravnog odbora,
- 1 (jednog) dopredsjednika Upravnog odbora (iz različitog nacionalnog korpusa od predsjednika),
- generalnog sekretara/tajnika Saveza,
- te još četiri člana.

sa mogućnošću ponovnog izbora.

33.3. Mjerila i kriteriji za predlaganje i izbor članova Upravnog odbora utvrđiće se posebnom odlukom Skupštine, pri čemu će se voditi računa o razvijenosti, kvaliteti, nacionalnoj i spolnoj zastupljenosti.

Član 34. – SASTAJANJE I ODLUČIVANJE UPRAVNOG ODBORA

34.1. Upravni odbor se sastaje po potrebi, a najmanje dva puta godišnje.

34.2. Upravni odbor može odlučivati ako je prisutno 2/3 članova.

34.3. Upravni odbor donosi odluke dvotrećinskom (2/3) većinom prisutnih članova.

Član 35. – DUŽNOSTI UPRAVNOG ODBORA SAVEZA

35.1. Upravni odbor Saveza obavlja sljedeće poslove:

- priprema sjednice Skupštine,
- priprema nacрте Statuta i drugih akata koje verificira Skupština,

- provodi politiku, zaključke i druge odluke koje je donijela Skupština,
- odlučuje o raspolaganju imovinom Saveza,
- podnosi godišnji i periodični izvještaj o svom radu Skupštini,
- formira odbore, komisije i druga radna tijela radi izvršavanja posebnih zadataka iz djelatnosti uzgoja konja i konjičkih sportova,
- prati realizaciju finansijskog plana Saveza i donosi odluke o upotrebi sredstava,
- donosi odluke o prijemu novih članova u Savez,
- obavlja druge poslove koji nisu stavljeni u nadležnost Skupštine Saveza.

Član 36. – SMJENA ČLANOVA UPRAVNOG ODBORA

36.1. Članovi Upravnog odbora mogu biti smjenjeni i prije isteka vremena na koje su izabrani, i to:

- na sopstveni zahtjev,
- ako neopravdano odsustvuju sa sjednice Upravnog odbora tri puta uzastopno,
- ako svojim radnjama u vezi sa radom Upravnog odbora ruše ugled Saveza,
- i u drugim slučajevima predviđenim Zakonom, ovim Statutom i aktima Saveza.

36.2. O smjeni člana Upravnog odbora odlučuje Skupština Saveza većinom glasova.

Član 37. – PREDsjedNIK UPRAVNOG ODBORA

37.1. Predsjednik Upravnog odbora je istovremeno i Predsjednik Saveza.

37.2. Predsjednik Saveza obavlja sljedeće poslove:

- predstavlja i zastupa Savez,
- saziva sjednice Upravnog odbora, predsjedava sjednicama i stara se o izvršavanju odluka iz nadležnosti Upravnog odbora,
- obavještava javnost o radu Saveza,
- stara se o zakonitosti rada Saveza,
- vrši i druge poslove za koje je ovlašten Statutom ili koje mu povjeri Skupština Saveza.

Član 38. – POSLOVNIK O RADU UPRAVNOG ODBORA

38.1. Poslovnikom o radu koji donosi Upravni odbor bliže se uređuje način rada i odlučivanja, sazivanja sjednica, vođenje zapisnika i druga pitanja od značaja za rad Upravnog odbora.

38.2. Poslovnik o radu Upravnog odbora donosi Upravni odbor a verifikuje Skupština.

Član 39. – GENERALNI SEKRETAR/TAJNIK SAVEZA

39.1. Generalnog sekretara/tajnika Saveza imenuje Skupština.

39.2. Generalni sekretar/tajnik Saveza je ujedno i član Upravnog odbora.

39.3. Generalni sekretar/tajnik Saveza može biti volonter ili u radnom odnosu.

39.4. Mandat generalnog sekretara Saveza traje 4 godine. On je samostalan u svom radu, a odgovoran je Skupštini i Predsjedniku Upravnog odbora/Predsjedniku Saveza.

Član 40. – DUŽNOSTI GENERALNOG SEKRETARA

40.1. Dužnosti Generalnog sekretara Saveza:

- zastupa Savez i brine se o zakonitosti rada Saveza,

- odgovoran je za pravovremenu pripremu materijala za sjednice Skupštine i Upravnog odbora,
- brine o izvršavanju Odluka i Zaključaka Skupštine i Upravnog odbora,
- naredbodavac je izvršenja finansijskog plana Saveza,
- potpisuje ugovore i daje naloge u smislu realizacije programa i finansijskog plana,
- brine o obavještanju javnosti o radu Saveza,
- ovjerava propozicije svih takmičenja u FBiH za FEI discipline konjičkog sporta,
- ovjerava propozicije svih prvenstava takmičenja pod pokroviteljstvom SKOFBiH, vodi evidenciju svih sportskih rezultata i sl.,
- izvršava i druge obaveze utvrđene Zakonom i odlukama Skupštine i Upravnog odbora.

Član 41. – NADZORNI ODBOR

41.1. Nadzorni odbor čine predsjednik i dva člana, koje bira i razrješava Skupština Saveza na period od 4 godine, sa mogućnošću ponovnog izbora. Jedan član nadzornog odbora mora imati VII stepen iz oblasti ekonomije.

Član 42. – SASTAJANJE NADZORNOG ODBORA

42.1. Nadzorni odbor se sastaje po potrebi, a najmanje dva puta godišnje. Nadzorni odbor može odlučivati samo u punom sastavu, a odluke donosi većinom glasova.

Član 43. – DUŽNOSTI NADZORNOG ODBORA

43.1. Nadzorni odbor je nadležan za kontrolu finansijskog poslovanja Saveza. U vršenju svoje nadležnosti Nadzorni odbor je ovlašten da vrši kontrolu svih dokumenata koji se odnose na finansijsko poslovanje, ugovora kojima Savez preuzima finansijske obaveze, kontrolu stanja na računima Saveza, kontrolu periodičnih i godišnjih obračuna Saveza.

43.2. O zakonitosti finansijskog poslovanja Saveza i o svom radu Nadzorni odbor izvještava Skupštinu Saveza najmanje jedanput godišnje.

43.3. Skupština Saveza može donijeti opšti akt kojim se bliže uređuju ovlaštenja i način rada Nadzornog odbora u vršenju nadležnosti utvrđene ovim Statutom.

Član 44. – KOMISIJE I RADNA TIJELA

44.1. Upravni odbor imenuje sljedeće Komisije i Odbore:

1. Disciplinsku komisiju
2. Sudijsku komisiju
3. Odbore za određene discipline konjičkog sporta.

Član 45. – DUŽNOSTI KOMISIJE I RADNIH TIJELA

45.1. Komisije i odbori prate stanje iz svoje oblasti, daju mišljenja po određenim pitanjima, podnose prijedloge radi donošenja odgovarajućih odluka i obavljaju druge poslove u skladu sa općim aktima i odlukama.

45.2. Za svoj rad Komisije i Odbori odgovaraju Upravnom odboru.

Član 46. – DICIPLINSKA KOMISIJA

46.1. Disciplinska komisija obavlja poslove predviđene Disciplinskim pravilnikom.

46.2. Disciplinska komisija broji 3 (tri) člana. Jedan član mora imati VII stepen iz oblasti prava.

46.3. Članove disciplinske komisije imenuje Skupština Saveza na prijedlog Upravnog odbora Saveza.

Član 47. – SUDIJSKA KOMISIJA

47.1. Sudijska komisija se sastoji od minimum tri (3) člana sa mogućnošću proširenja.

47.2. Ova komisija je nadležna za stručno usavršavanje sudijskog kadra, vođenje evidencije o sudijama na području Saveza, organizovanje seminara, kurseva i drugih oblika usavršavanja, te organizovanje ispita za zvanje sudija u konjičkom sportu po pravilniku o sudijama.

47.3. Sudijska komisija delegira sudije za sva takmičenja u organizaciji Saveza.

Član 48. – ODBORI ZA SPORTSKE DISCIPLINE

48.1. Odbori za određene discipline u konjičkom sportu broje minimum 3 člana sa mogućnošću proširenja broja članova i prate stanje, te provode aktivnosti na unapređenju i razvoju discipline konjičkog sporta za koje su oformljeni.

VIII IMOVINA SAVEZA – KORIŠTENJE I RASPOLAGANJE SREDSTVIMA SAVEZA**Član 49. – IMOVINA SAVEZA**

49.1. Imovinu Saveza čine: prava, stvari i novac, koje Savez stiče u skladu sa Zakonom i ovim Statutom. Za obaveze prema trećim licima, Savez odgovara cjelokupnom imovinom.

Član 50. – POTENCIJALNI PRIHODI

50.1. Savez može sticati prihode iz sljedećih izvora:

- članarine i kotizacije,
- sredstava dodjeljenih iz budžeta,
- dobrovoljnih priloga i poklona javnih institucija, fizičkih i pravnih lica, kako u gotovini tako i u imovini i uslugama,
- sponzorstava,
- državnih subvencija i ugovora sa javnim institucijama, fizičkim i pravnim licima,
- prihoda stečenih kroz ostvarivanje ciljeva i aktivnosti Saveza, u skladu sa ovim Statutom,
- drugih izvora u skladu sa važećim pravnim propisima.

Član 51. – KORIŠTENJE IMOVINE

51.1. O korištenju imovine i raspolaganju sredstvima Saveza odlučuje Upravni odbor u skladu sa ovim Statutom i opštim aktima Saveza.

Član 52. – FINANSIJSKI IZVJEŠTAJ

52.1. Savez je dužan uredno voditi poslovne knjige u skladu sa prihvaćenim računovodstvenim standardima i sastavljati finansijske izvještaje, saglasno važećim propisima.

Član 53. – PODNOŠENJE IZVJEŠTAJA

53.1. Upravni odbor je dužan, najmanje jednom godišnje, podnijeti Skupštini izvještaj sa podacima o imovini Saveza, korištenju imovine, prihodima i rashodima Saveza i drugim pitanjima od značaja za raspolaganje imovinom i za finansijsko poslovanje Saveza.

Član 54. – KONTROLA FINANSIJSKOG POSLOVANJA

54.1. Kontrolu finansijskog poslovanja Saveza vrši Nadzorni odbor, na način utvrđen ovim Statutom.

Član 55. – OVLAŠTENA LICA ZA POTPISIVANJE AKATA

55.1. Lica ovlaštena da potpisuju akte koji se odnose na sticanje i raspolaganje imovinom Saveza i na finansijsko poslovanje su Predsjednik Saveza i/ili Generalni sekretar/tajnik Saveza.

55.2. Upravni odbor svojom odlukom može ovlastiti i druga lica da potpisuju akte iz prethodnog stava.

Član 56. – UVID U POSLOVNE KNJIGE

56.1. Svaki član Saveza ima pravo da ostvari uvid u poslovne knjige i drugu dokumentaciju u vezi sa imovinom i finansijskim poslovanjem Saveza, uz pismeni zahtjev.

56.2. Ostvarivanje prava iz prethodnog stava, dužan je osigurati Upravni odbor, i to najkasnije u roku od 15 dana od dana prijema pismenog zahtjeva člana Saveza.

Član 57. – DODATNI AKTI

57.1. Skupština Saveza može donijeti akte kojima se, u skladu sa ovim Statutom, bliže uređuju pravila za ostvarivanje, korištenje i raspolaganje sredstava Saveza i za nadzor nad korištenjem tih sredstava.

IX - JAVNOST RADA**Član 58. – JAVNOST RADA SAVEZA**

58.1. Rad Saveza je javan.

58.2. Javnost rada Savez ostvaruje se na način utvrđen Zakonom i ovim Statutom.

Član 59. – SREDSTVA INFORMISANJA JAVNOSTI

59.1. Organi Saveza su dužni da ovlaštenim predstavnicima sredstava informisanja učine dostupnim podatke, informacije i isprave koje se odnose na rad Saveza.

59.2. Predstavnici sredstava informisanja imaju pravo na pismeni zahtjev da prisustvuju sjednicama organa Saveza i da izvještavaju o radu tih organa.

Član 60. – INFORMISANJE ČLANOVA SAVEZA

60.1. Članovi Saveza imaju pravo da budu informisani o radu svih organa Saveza. O informisanju članova Saveza staraju se Predsjednik Upravnog odbora/Predsjednik Saveza i Generalni sekretar/tajnik.

Član 61. – POSLOVNA TAJNA

61.1. Izuzetno, opštim aktom koji donosi Predsjedništvo, može se utvrditi da pojedine informacije podaci i isprave, predstavljaju *poslovnu tajnu*.

61.2. Istim aktom mogu se utvrditi odgovorna lica za korištenje i zaštitu informacija koje imaju karakter poslovne tajne.

61.3. Za poslovnu tajnu ne mogu se odrediti podaci koji su javni po Zakonu i drugim propisima, kao i podaci o kršenju Zakona i drugih propisa.

X – STATUT I DRUGI OPŠTI AKTI SAVEZA**Član 62. – INICIJATIVA ZA IZMJENU I DOPUNU STATUTA**

62.1. Inicijativu za izmjene i dopune Statuta može podnijeti svaki član Saveza, član Upravnog i Nadzornog odbora.

62.2. Inicijativa se podnosi Upravnom odboru, pismenim putem i sa odgovarajućim obrazloženjem.

Član 63. – PRIJEDLOG ZA IZMJENE I DOPUNE STATUTA

63.1. Prijedlog za izmjene i dopune Statuta utvrđuje Upravni odbor. Utvrđeni prijedlog dostavlja se Skupštini, pismenim putem i sa odgovarajućim obrazloženjem, najmanje 15 dana prije dana održavanja Skupštine.

Član 64. – USVAJANJE IZMJENA I DOPUNA STATUTA

64.1. O izmjenama i dopunama Statuta odlučuje Skupština, dvotrećinskom većinom glasova ukupnog broja prisutnih članova Saveza na održanoj sjednici Skupštine.

XI – OPŠTI/OPĆI AKTI SAVEZA**Član 65. – DRUGI OPŠTI AKTI SAVEZA**

65.1. Pored Statuta, organi Saveza mogu donositi i druge opšte/opće akte i to:

- odluke,
- pravilnike, i
- poslovnike.

65.2. Opšti/opći akti moraju biti u skladu sa Zakonom i Statutom Saveza.

Član 66. – ODLUKE

66.1. Odluke, kao opšti/opći akti, donose se u slučajevima kada je to izričito utvrđeno Zakonom i ovim Statutom, kao i u drugim slučajevima kada se na opšti/opći način uređuju pitanja od značaja za ostvarivanje ciljeva, zadataka i djelatnosti Saveza.

Član 67. – PRAVILNIK

67.1. Pravilnikom se na opšti/opći način uređuju odnosi između članova Saveza, kao i međusobni odnosi organa Saveza u ostvarivanju njihovih nadležnosti, kao i druga pitanja koja se uređuju Pravilnikom a koja propisuje Zakon i Statut Saveza.

Član 68. – POSLOVNIK

68.1. Poslovnikom se bliže uređuje način rada organa Saveza u izvršavanju njihovih nadležnosti utvrđenih Statutom.

Član 69. – ARHIVA SAVEZA

69.1. Originalni primjerci opštih/općih akata Saveza čuvaju se u arhivi Saveza.

XII – ZASTUPANJE SAVEZA**Član 70. – ZASTUPANJE SAVEZA**

70.1. Savez zastupa Predsjednik Upravnog odbora/Predsjednik Saveza i Generalni sekretar/tajnik.

Član 71. – DODATNA LICA ZA ZASTUPANJE SAVEZA

71.1. Upravni odbor može donijeti odluku kojom će se ovlastiti i druga lica da zastupaju Savez.

71.2. Odlukom iz prethodnog stava, Upravni odbor će utvrditi i ovlaštenja, odnosno ograničenja ovlaštenog lica u zastupanju Saveza.

Član 72. – PUNOMOĆ

72.1. U postupcima u kojima Savez učestvuje kao stranka radi ostvarivanja svojih prava, dužnosti i odgovornosti pred nadležnim organima, Predsjednik Saveza može dati pismenu punomoć za zastupanje advokatu/odvjetniku ili drugom stručnom licu.

XIII – STATUSNE PROMJENE**Član 73. – UDRUŽIVANJE, PRIPAJANJE I TRANSFORMACIJA SAVEZA**

73.1. Savez se može udružiti sa drugim Savezima ili Asocijacijama.

73.2. Savez se može pripojiti drugom Savezu ili Asocijaciji.

73.3. Savez se može transformisati u organizaciju od javnog interesa.

Član 74. – ODLUKA O UDRUŽIVANJU, PRIPAJANJU ILI TRANSFORMACIJI SAVEZA

74.1. Odluku o udruživanju, pripajanju ili transformaciji donosi Skupština Saveza na prijedlog Upravnog odbora.

74.2. Odlukom iz prethodnog stava se regulišu naročito:

- naziv Saveza kome se Savez pripaja ili naziv Saveza nakon transformacije u organizaciji od javnog interesa, kao i promjenu sjedišta i adrese Saveza
- podjela imovine, prava i obaveze
- ciljeve Saveza nakon pripajanja ili transformacije
- imena osoba ovlaštenih za obavljanje poslova u podnošenju zahtjeva za upis u registar izvršene transformacije Saveza

Član 75. – PRAVOSNAŽNOST ODLUKE

Odluka iz člana 74. Statuta smatra se usvojenim kada je na sjednici Skupštine za nju glasalo više od polovine od ukupnog broja članova Saveza.

Član 76. – PRESTANAK RADA SAVEZA

76.1. Savez može prestati sa radom dobrovoljno ili po sili Zakona.

Član 77. – ODLUKA O PRESTANKU RADA SAVEZA

Savez prestaje sa radom dobrovoljno, ako Skupština konsenzusom svih članova Skupštine Saveza donese odluku o raspuštanju Saveza.

Član 78. – LIKVIDACIJA

78.1. Istovremeno sa odlukom o raspuštanju Saveza, Skupština donosi plan likvidacije Statuta, kojim se utvrđuje raspored imovine, prava i obaveze Saveza, a u skladu sa ovim Statutom.

78.2. Skupština imenuje likvidatora Saveza, čija je dužnost da se stara o izvršenju plana likvidacije i koji je ovlašten da zastupa Savez u postupku likvidacije, kao i u podnošenju zahtjeva za prijavu prestanka rada Saveza nadležnim organima.

Član 79. – POSTUPAK LIKVIDACIJE

79.1. U postupku likvidacije, Savez će iz imovine Saveza izmiriti sve dospjele zakonske obaveze, kao i obaveze nastale prema drugim povjericima Saveza, a eventualna preostala imovina rasporedit će se nekoj drugoj konjičkoj organizaciji, istih ili sličnih programskih aktivnosti, na osnovu Odluke skupštine Saveza.

XIV – PRELAZNE I ZAVRŠNE ODREDBE**Član 80. – PRELAZNE ODREDBE**

80.1. Izmjene i dopune ovog statuta vrše se na način i postupak kako je donešen.

Član 81. – ZAVRŠNE ODREDBE

81.1. Ovaj Statut stupa na snagu danom usvajanja na Skupštini Saveza.

U Sarajevu, 16.12.2018. godine

PREDSJEDNIK SKUPŠTINE

Jasmin Kazazović